

Nukissiorfiit innaallagissamik imermillu tunisassiornerminni pilersuinerannillu aalisakka-nuk tunisassiorfinnut illoqarfinni nunaqarfinnilu ataasiakkaani 41,5%-imik akeqartitsinerup assinganik nunap qaavani toqoraavinnut s.a. Neqi A/S aamma Lilleholm Aps-imut atuutinneqalernissaannik Naalakkersuisut piginnaatinneqarnissaannik Inatsisartut aalajangiiffigisassaattut siunnersuut
(Saqq.: Inatsisartunut ilaasortaq Jens Immanuelson, Siumut)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerpeqarneranut tunniunneqartoq.

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Kalistat Lund, Inuit Ataqatigiit, siulittaasoq

Inatsisartunut ilaasortaq Mala Høy Kúko, Atassut

Inatsisartunut ilaasortaq Anders Olsen, Siumut

Inatsisartunut ilaasortaq Jens-Erik Kirkegaard, Siumut

Inatsisartunut ilaasortaq Bendt Kritsiansen, Inuit Ataqatigiit

Ataatsimiititaliami ilaasorta katitigaanerat ull. 31. Oktober allangortinneqarpoq, taamaalillunilu ataatsimiititaliami allaqqaammut sulinermi Inatsisartunut ilaasortat uku aamma peqataasimapput:

UKA 2016-imi ull. 4. oktober siullermeereernerani siunnersuut Ataatsimiititaliap misissorpaa.

Justus Hansen, Demokraatit

Ane Hansen, Inuit Ataqatigiit

Peter Olsen, Inuit Ataqatigiit, Kalistat Lundimut sinniisussatut

Karl Kristian Kruise, Justus Hansenimut sinniisussatut

Siunnersuutip imaa aamma siunertaa

Nukissiorfinni annertunerusumik tapeeqatigiittarneq atorlugu inuussutissanik nioqqutissiortut taparserneqarnissaat siunnersuuteqartup siunertaraa.

Siunnersuutip Inatsisartuni siullermeerneqarnera

Annertunerusumik tunisassiornissamut taamaalillunilu suliffissanik amerlanerusunik pilersitsinissamut nunami suliffinnik amerlanerusunik kissaateqarneq nioqqutissiornermilu akissaajaatit appasinnerusut ataatsimut isigalugit kajumissaataasut partiit akornanni nalinginnaasumik isumaqatiginartinneqarpoq.

Taamaattorli siunnersuutip taassumarpiap naammaginarnerpaamik qanoq aningaasalersorneqarsinnaanera nalornissutigineqarpoq, taamaattumillu apeqqutit ataatsimiititaliap sulinerani pilertussat tunngavigalugit Sanaartornermi ataatsimiititaliami sukumiinerusumik isummersortoqassasoq.

Kiisalu siunnersuummut saqqummiunneqartumut Naalackersuisut allannguutissatut siunnersuuteqarput.

Naalackersuisut allannguutissatut siunnersuutaat

”Naalackersuisut kingusinnerpaamik 2017-imi Ukiakkut Ataatsimiinnermi innaallagissamut imermullu akinik immikkut ittunik atuisinnaanerup annertusineqarnissaanut, taamaalillunilu suliffeqarfiit tunisassiortut aalisakkerinermik inuussutissarsiuteqarnermut sanilliunneqarsinnaalernissaannut siunnersuummik saqqummiussinissaat pillugu Inatsisartuni aalajangiiffigisassatut siunnersuut. Siunnersuut suliffeqarfiit suut aaqqissuussinermut ilaatinneqassanersut, kiisalu aaqqissuussineq iluarsisariaqarsinnaanersoq pillugu nassuiaammik imaqassaaq.”

Naalackersuisunut apeqqutit

Sanaartornermut ataatsimiititaliaq Pinngortitamut, Avatangiisinut Nukissiuuteqarnermullu Naalackersuisumut ull. 12. oktober apeqqutinik nassiuussivoq. Ull. 20. oktober ataatsimiititaliaq apqqutinut akissutisivoq. Apeqqutit akissutillu tapiliunneqarput, tak. **Ilanngussaq 1.**

Ataatsimiititaliap siunnersuummik suliaqarnera

Ataatsimiititaliap misissuinerminut atatillugu Aningaasaqarnikkut Ingerlatsineq pillugu Nalunaarusiaq kingulleq saqqummiunneqartoq isummersorfigaa. Qupp. 67-68-imi una atuarneqarsinnaavoq:

“Annertunerusumik nammineq imminut nukissiornikkut pilersulernissamik takorluugaq angussagaanni, ataavartumik nukissiornissamut annertuumik, piffissalli ingerlaneranut agguataarneqarsinnaasunik aningaasaliissuteqartoqartariaqarpoq. Nukissiorfiit nukissiorneranni 2030-mi nukissamit ataavartumit nukik atorneqartoq minnerpaamik

90%-iussaaq. 2014imi Nukissiorfiit nukissiarisaasa 67,8 procentii ataavartumik nukissiornermeersuupput, nunarput ataatsimut isigalugu nammineq nukissiaq 17,4 procentiulluni.

Naak ukiuni kingullerni 30ni ataavartumik nukissiornermut annertuumik aningaasaliisoqarsimangaluartoq, soorlu erngup nukinganik nukissiorfiit Nunatsinni aningaasatigut isertitat 1 procentiata miss. Ukiut ilaanni aningaasaliissutigineqartarnikuullutik, maannakkut siunissaq eqqarsaatigalugu nukissiornermut politikikkut angusaqarneruniarnissaq pisariaqarpoq.”

Siunniunneqartut saqqummiunneqartoq angusaqarluarusullunilu anguniagaq Ataatsimiititaliamit tapersorneqarpoq.

Aamma UKA 2015/34 apeqquteqaat aallaavigalugu Kalaallit Nunaat suli minguinnerusooq Inatsisartuni oqallisissiatut siunnersuutigineqartoq pillugu isummersornerit ataatsimiititaliap misissorsimavai.

Kiisalu UPA 2015/63 aamma UKA 2015/63 (sammissaq ataasiusooq katersuunnerni marlunni suliaq) pillugit ataatsimiititaliaq isummersorpoq, tassanilu pineqarpoq nunami suliffissuarnut pilersuisunorpiaq tapeeqatigiittarnerup allangortinneqarnissaa pillugu aalajangiiffigsassatut siunnersuut.

“Siunnersuutip Inatsisartunit siullermeerneqarnera

Inoqutigiinni tamani Nukissiorfiit suliaqarfigisaaniittuni nalinginnaasumik akissarsiaqarluni akilerneqarsinnaasunik imermut inaallagissamullu akinik periarfissaqarnissaq inuiaqatigiinnit suliassaasooq suliap siullermeernerani nalinginnaasumik isumaqataaffigineqarpoq.

Tamatuma kingorna qitiutinneqartoq tassaavoq inuiaqatigiinnut suliassamut tassunga aningaasartuutit qanoq akilerneqassanersut. Apeqqut tamanna qitiulluinnartoq tamatuma kingorna annertunerusumik oqaluuserisassanngorlugu Sanaartornermut ataatsimiititaliamut tunniunneqarpoq.

[...]

Paasissutissiilluni ataatsimiinneq

Ataatsimiititaliap siunnersuummik suliaqarnerminut atatillugu Pinngortitamut, Avatangiisinut Inatsisinillu Atuutsitsinermit Naalakkersuisoqarfimmit atorfilittanik paasissutissiinertalimmik ataatsimeeqateqarsimavoq.

Ataatsimiinneq Nukissiorfinni ingerlanneqarpoq, teknikikkullu periarfissat assigiinngitsut aamma ingerlatsivimmut periusissatut pilersaarutit paasineqarnissaat periarfissaasimavoq.

[...]

Ataatsimiititaliap misissuineri aamma siunnersuummik suliaqarnera

Ataatsimiititaliap suliaq siunnersuummilu tunngavigineqartut misissorpai.

Ataatsimiititaliaq inerniliivoq, Nunatta Aningaasivianit Nukissiorfinnut tapiissutit, Nunaata Aningaasivianit Nukissiorfinnut taarsigassarsiarititat kisalu Nukissiorfinni namminermi tapeeqatigiittarnerup ingerlanneqartarnera il.il. aalajangiiffigisassatut siunnersuummi takussutissiarineqartumit pisariuneroqisut.

Siunnersuutip aningaasaqarnikkut sunniutissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Siunnersuutip piviusunngortinnerani isumaqarnangilaq aningaasaqarnikkut peqqissaartumik isuliutigisimavaa, siunnersuutip piviusunngornerani aningaasaqarnikkut sunniuteqassanersoq, kiisalu aningaasaqarnikkut sunniutissat tamakku qanoq matussuserneqarsinnaassanersut.

Ataatsimiititaliap inassutai

**Tamanna tunngavigalugu siunnersuut itigartinneqassasoq
Ataatsimiititaliaq isumaqatigiittoq inassuteqarpoq**

Siunnersuutip saqqummiunneqartup tigussaasumik aningaasalersornissaanut Naalakkersuisut akissutaannut atatillugu, siunnersuut akuerineqassappat inuussutissarsiummut tapiissutit akilernissaanut illoqarfinni eqqorneqartuni innuttaasut kisimik akiliinissaat ataatsimiititaliap ernumanartoqartippaa.

Taamaalilluni ataatsimiititaliaq isumaqarpoq, inuussutissarsiummut tapiissutit aaqqissuussaaratarsinnaasut aaqqissuussinermik iluaquteqartunit tamanit taamaalillunilu nunami innuttaasunit tamanit akilerneqartariaqartut.

Toqoraavinni imaluunniit suliffeqarfinni allani aningaasatigut unammillernartoqarpat nalaakkersuinikkut tapersorsorneqarsinnaasutut nalilerneqartunik, taava tapersiineq tamanna kiffartuussinissamut isumaqatigiissutit naleqqussarnerisigut ingerlanneqartariaqarpoq.

Tamanna tunngavigalugulu taamaalilluni ataatsimiititaliaq isumaqarpoq, akigititaasunut il.il. allannguutit atuutilinnginneranni teknikikkut naalackersuinikkullu nalilersorneqaqqaartariaqartut, soorlu tamanna aamma naalackersuisunit siunnersuutigineqartoq.

Siunnersuutip aningaasaqarnikkut kingunissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap maluginiarpaa tamanna naapertorlugu siunnersuutip piviusunngornerani taamaalillutik aningaasaqarnikkut kingunissai allaaserineqarsimasut, taamaalilluni toqoraavinni akitigut appartitsinermi inuussutissarsiutinik naligiissaarinermi innaallagissamut, imermut kiassarnermullu akigititat atuisunit allanit aamma inuussutissarsiortunit allanit akilerneqartussaallutik.

Katitigaanera naleqqutinngitsumillu sunniuteqaratarsinnaanera pillugu tunngavilersuutit siuliani taaneqartut aallaavigalugit Sanaartornermut ataatsimiititaliaq isumaqarpoq, tunngaviliussat saqqummiunneqartut aallaavigalugit suliap Naalackersuisunit aallarnerneqarsimasup utaqqimaarnissaa taamaallaat periarfissaasoq.

Ataatsimiititaliap inassutai

Suliffeqarfinnik tunisassiortunik allannguutissatut siunnersuummi oqarnermi suliffeqarfik tunisassiortoq ima paasineqassaaq, pineqartut tassaasut suliffeqarfiit inuussutissanik tunisassiortut aamma/imaluunniit suliareqqiisut tamarnik.

Taamaattumik **ataatsimiititaliap isumaqatigiittup** Naalackersuisut allannguutissatut siunnersuutaat tapersersinnaavaa.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.

Kalistat Lund, siulittaasoq

Mala Høy Kuko,
siulittaasup tullia

Anders Olsen

Bendt Kristiansen

Jens-Erik Kirkegaard